



## ٥ - ايه هي انظمة الحكم

١ **نظام برلماني** وفيه بنختار اعضاء مجلس الشعب عن طريق الانتخابات والحزب اللي بياخد الاغلبية هو اللي بيشكل الحكومة , ولو مفيش حد بقى اغلبية بتتعمل وزارة من اكثر من حزب بيتجمعوا مع بعض وبتسمى حكومة ائتلاف وبتبقى الحكومة مسئولة ادام مجلس الشعب اللي اختارها في الاول ورئيس الجمهورية بيبقى منصب شرفي وملوش اى صلاحيات والصلاحيات الحقيقية لرئيس الوزراء ... النظام ده موجود في ماليزيا وتركيا واسبانيا وانجلترا.

٢ **نظام رئاسي** وفيه بنختار رئيس الجمهورية بالانتخابات واعضاء مجلس الشعب بالانتخابات الرئيس بيبقى ليه صلاحيات واسعة جدا في النظام ده ومش بيبقى فيه رئيس وزراء , بيبقى فيه وزراء بس والوزراء بيبقوا مسئولين ادام الرئيس اللي عينهم .. النظام ده موجود في امريكا.

٣ **نظام شبه رئاسي** وفيه بنختار رئيس الجمهورية واعضاء مجلس الشعب بالانتخاب وبيختار رئيس الجمهورية رئيس وزراء اللي بيشكل وزارته من مجموعة من الوزراء في النظام ده بتتقسم المسئولية بين الرئيس ورئيس الوزراء الرئيس مسئول عن السياسة الخارجية والامن القومي والدفاع ورئيس الوزراء بيبقى مسئول عن كل احوال الدولة الداخلية زي الزراعة والصناعة والتعليم والصحة.

et7rrak@gmail.com

www.facebook.com/et7rrak

راسلنا

